

Waxba haka

cabsan

maxaa yeelay, Ilaah wuu ku jecel yaha

*Rabbiga wuxuu yidhi: "Waxaan kugu
jeclaaday jacayl daa'im ah."*

Yeremyaah 31:3

Oo calankiisii i kor sudhnaana wuxuu
ahaa jacayl. Gabaygii Sulaymaan 2:4

Ilaah baa Wiilkiisa keliya oo dhashay
dunida u soo diray si aynu ugu
noolaanno isaga, oo taasaa jacaylka
Ilaah laynoogu muujiyey.

1

Yooxanaa 4:9

Nimco ha idinla jirto iyo nabad ka
timaada Ilaaha Aabbaha ah iyo
Rabbigeenna Ciise Masiix, kan naftiisii u
bixiyey dembiyadeenna aawadood, si
uu inooga bixiyo dunidatan la joogo oo
sharka leh. Galatiya 1:3-4

markaad qatar ku sugan tahay

Rabbigu wuxuu yidhi: “Ha cabsanina, waayo, anigaa idin soo furtay, oo magiciinna idiin bixiyey, oo kuwayga baad tihiin. Markaad biyaha dhex maraysaan waan idinla jiri doonaa, oo markaad webiyaasha dhex qaadaysaanna idinma qarqin doonaan, markaad dabka ku dhex socotaanna, ma guban doontaan, ololkuna idinma qabsan doono.” Ishacyaah 43:1-2

Rabbiga ayaa kaa dhawri doona shar kasta, isagu wuxuu dhawri doonaa naftaada. Hadda intii ka bilaabata iyo tan iyo weligeedba Rabbigu wuxuu dhawri doonaa bixiddaada iyo soo geliddaadaba. Sabuurada 121:7-8

Ilaaha daa'imka ahu waa hoygaaga, oo waxaa kaa hooseeya gacmo weligood jira. Sharciga Kunoqoshadiisa 33:27

markaad buktid

Anigu waxaan ahay Rabbiga ku bogsiiya.

Baxniintii 15:26

Oo waxay u keeneen kuwii bukay oo dhan, oo cudurro kala caycayn ah ...
wuuna bogsiiyey. Matayos 4:24

Jiidhkayga iyo qalbigayguba waa itaal darnaadeen, laakiinse Ilaah wuxuu weligiis ii yahay xooggii qalbigayga iyo qaybtayda. Sabuumada 73:26

Mid bukaa ma idinku dhex jiraa? Ha u yeedho waayeellada kiniisadda, oo iyagu ha u duceeyeen, oo saliid ha ku mariyeen magaca Rabbiga. Ducaddii rumaysad lahu way bogsiiin doontaa kii buka, oo Rabbigu waa sara kicin doonaa. Yacquub 5:14-15

*markaad sixiroolayaasha,
iyo Shayaadhiinta aad la
kulantid*

Rabbigu waa ila jiraa, oo anigu ma cabsan doono, bal maxaa dad igu samayn karaa? Rabbigu waa ila jiraa, oo wuxuu ku dhex jira kuwa i caawinaya, Haddaba waxaan kuwa i neceb ku arki doonaa waxaan doonayo. Sabuurrada 118:6-7

Ciise wuxuu yidhi: “Bal ogaada, waxaan idin siiyey amar aad kula tumataan abeesooyin iyo dabaqalloocyo iyo xoogga oo dhan ee cadowga; innaba waxba idinma yeeli doono.” Luukos 10:19

Ka idinku jira ayaa ka weyn ka dunida ku jira. 1 Yooxanaa 4:4

Ibliiska hor joogsada, wuu idinka carari doonaaye. Yacquub 4:7

markaad Erayga Ilaah ku hadleysid

Rabbigu wuxuu yidhi: “Ha cabsanin, laakiin hadal, hana aamusin; maxaa yeelay, anaa kula jooga.”

Falimaha Rasuullada 18:9-10

Ciise wuxuu yidhi: “Haddaba taga, oo quruumaha oo dhan xer ka dhiga. ... Oo bal eega had iyo goor ayaan idinla joogaa xataa ilaa wakhtigu dhammaado.”

Matayos 28:19-20

Xoog yeelo, oo aad u dhiiranow.
Ha cabsan, hana qalbi jabin, waayo,
Rabbiga Ilaahaaga ah u wuu kula jiraa
meel kastoo aad tagtidba. Yashuuca 1:9

Rabbigu wuxuu yidhi: “Iyaga ha ka baqin, waayo, anigu waan kula jiraa.
... Anigu erayadaydii ayaan afka kuugu riday.” Yeremyaah 1:8-9

markuu shaki kugu jiro

Rabbiga wuxuu yidhi: “Anigu waan garanayaa fikirrada aan idiinku fikiro, waana fikirro nabadeed, oo ma aha kuwa masiibeed, si aan ugudambaystiinna rajo idiin siiyo.” Yeremyaah 29:11

Rabbigu waa wanaagsan yahay, oo wakhtigii dhib jirona waa qalcad, wuuna garanayaa kuwa isaga isku halleeya.

Naxuum 1:7

Nabad baan ku jiifsanayaa oo aan ku seexanayaa, Waayo, Rabbiyow, adigoo keliya ayaa ammaan igu bariiya.

Sabuurrada 4:8

Rabbiga naxariistiisa aawadeed ayaan laynoo baabi'in, maxaa yeelay, raxmaddiisu ma dhammaato. Subax walba way cusub yihiin, daacadnimadaaduna way weyn tahay.

Baroorashadii Yeremyaah 3:22-23

markay dhimasho kula soo deristo

In kastoo aan ku dhex socdo dooxada hooska dhimashada, sharna ka baqi maayo, waayo, waad ila jirtaa.

Sabuurrada 23:4

Kan xaq ahu rajuu leeyahay markuu dhinto. Maahmaahyadii 14:32

Waxaad igu hogaamin doontaa taladaada, oo dabadeedna waxaad igu dhowayn doontaa ammaanta.

Sabuurrada 73:24

Aayadaha buugen waxaa laga soo qaatay kitaabka baybalka ah ee af soomaaliga © Axdigii Horz SIM 1979 © Axdiga Cusub UBS 1979

Photo: TSM ISBN: 0-7213-0099-5 Somali DBA

 **life**words
www.sgmilifeworlds.com

Published by SGM Lifeworlds Ltd
CN 05908817